

ТАШУВЧИННИГ ФУҚАРОЛИК ЖАВОБГАРЛИГИНИ МАЖБУРИЙ СУҒУРТА ҚИЛИШ БҮЙИЧА ОММАВИЙ ОФЕРТА

Ушбу оммавий оферта (кейинги ўринларда - Оферта) «NEO INSURANCE CORP» Акциядорлик жамияти (кейинги ўринларда - Суғурталовчи) билан сугурта қилдирувчи ўртасида ташувчининг фуқаролик жавобгарлигини мажбурий суғурта қилиш (кейинги ўринларда - ТФЖМСК) бўйича Е-полисни (электрон полисни) онлайн расмийлаштириш (шартнома тузиш ва бекор қилиш) тартиблари ва суғурталаш шартларини белгилайди.

Мазкур оферта Ўзбекистон Республикасининг Фуқаролик кодекси, «Электрон тижорат тўғрисида» ги, «Электрон хужжат айланиши тўғрисида» ги, «Суғурта фаолияти тўғрисида» ги Конунлари, Вазирлар Маҳкамасининг 2020 йил 14 декабрдаги 780-сонли қарори билан тасдиқланган «Ташувчининг фуқаролик жавобгарлигини мажбурий суғурта қилиш бўйича Е-полисни сотиш, расмийлаштириш ва уларнинг ҳақиқийлигини текшириш» қоидалари ҳамда Ўзбекистон Республикаси Вазирлар Маҳкамасининг 2015 йил 15 сентябрдаги 266-сонли қарори билан тасдиқланган «Ташувчининг фуқаролик жавобгарлигини мажбурий суғурта қилиш» қоидалари асосида ишлаб чиқилган.

1. УМУМИЙ ШАРТЛАР ВА ТУШУНЧАЛАР

1.1. Суғурталовчи ушбу Офертада ва Ўзбекистон Республикаси Вазирлар Маҳкамасининг 2015 йил 15 сентябрдаги 266-сон қарори билан тасдиқланган Ташувчиниг фуқаролик жавобгарлигини мажбурий суғурта қилиш қоидаларига мувофиқ, суғурта ходисаси юз берган тақдирда ташувчига, жабирланувчига ёхуд наф оловчига йўловчиларнинг ҳаёти, соғлиғи ва (ёки) мол-мулкига етказилган заарнинг ўрнини қоплаш мажбуриятини олади

1.2. Ушбу офертада қуйидаги тушунчалардан фойдаланилади:

1.2.1. Суғурталовчи – Ўзбекистон Республикасининг қонун хужжатларига мувофиқ ва Ўзбекистон Республикаси иқтисодиёт ва молия вазирлигининг лицензияси асосида суғурта фаолиятини амалга оширадиган «NEO INSURANCE CORP» АЖ.

1.2.2. Суғурта қилдирувчи – суғурталовчи билан Оферта шартларида суғурта қилиш шартномасини тузган Ўзбекистон Республикасида давлат рўйхатидан ўтган юридик йоки жисмоний шахслар.

1.2.3. Суғурта обьекти – мазкур Оферта амал қилиши даврида йўловчиларнинг ҳаёти, соғлиғи ва (ёки) мол-мулкига заар етказилганлиги учун ташувчининг фуқаролик жавобгарлиги юзага келганлигининг белгиланган тартибда тасдиқланган факти.

1.2.4. Суғурта ходисаси - Офертанинг амал қилиши даврида йўловчиларнинг ҳаёти, соғлиғи ва (ёки) мол-мулкига заар етказилганлиги учун ташувчининг фуқаролик жавобгарлиги юзага келганлигининг белгиланган тартибда тасдиқланган факти.

2. ШАРТНОМАНИНГ КУЧГА КИРИШИ ВА АМАЛ ҚИЛИШ МУДДАТИ

2.1. Ушбу оферата суғурта қилдирувчи томонидан суғурталовчининг ҳисоб рақамига суғурта мукофоти келиб тушган кундан кучга киради ва бир йил мобайнида амал қиласи.

Суғурталовчининг мажбуриятлари суғурта мукофоти суғурталовчининг ҳисоб рақамига тушган кундан кейинги кундаги 00 соат 00 дақиқадан бошлаб кучга киради ва мажбурий суғурта қилиш бўйича суғурта полисида кўрсатилган суғурта даврининг охирги санасидаги 24 соат 00 дақиқада тугайди.

2.2. Суғурта мукофоти ташувчи томонидан суғурталовчининг ҳисоб рақамига пул ўтказиш ўйли билан тўланади. Пул маблағларининг суғурталовчининг ҳисоб рақамига тушган санаси мажбурий суғурта қилиш шартномаси бўйича суғурта мукофоти тўланган сана ҳисобланади.

3. ТОМОНЛАРНИНГ ҲУҚУҚ ВА МАЖБУРИЯТЛАРИ

3.1. Ташувчи қуйидаги ҳуқуқларга эга:

- Суғурталовчидан мазкур Оферта шартларини тушунтириб беришни талаб қилиш;

- Суғурталовчининг суғурта товошини тўлашни рад этиш тўғрисидаги қарори юзасидан шикоят қилиш.

Ташувчи қонунчиликка мувофиқ бошқа ҳуқуқларга ҳам эга бўлиши мумкин..

3.2. Ташувчининг мажбуриятлари:

- мазкур Оферта бўйича суғурта мукофотини қонунчиликда белгиланган шартлар асосида ва тартибда тўлаши;

- Ташувчининг транспорт воситаларини бошқарувчи шахсларни мазкур Оферта шартлари билан таништириши, шу жумладан, мазкур Оферта бўйича тарафларнинг хукуқ ва мажбуриятларини тушунтириши;

- ташиб кунида амалда бўлган ташувчининг фуқаролик жавобгарлигини мажбурий суғурта қилиш бўйича суғурта полисининг ўзи тасдиқлаган нусхасини ўзи фойдаланаётган барча транспорт воситаларига ва (ёки) ўзининг расмий веб-сайтига жойлаштириши;

- жабрланувчи ёки наф оловчи етказилган заарнинг ўринини қоплаш тўғрисидаги талабни ўз ичига олган талабнома билан мурожаат этган пайтдан эътиборан беш иш кунидан кечиктирмай Суғурталовчини ташиб чоғидаги ходиса ҳақида ёзма шаклда хабардор қилиши;

- агар суғурта товони жабрланувчи ёки наф оловчи томонидан ҳужжатларни қалбакилаштириш ёки бошқача тарзда алдаш оқибатида асоссиз равишда ортиқча тўланган бўлса, бу ҳақда Суғурталовчига маълум қилиши ва ортиқча тўланган маблағларни суғурталовчига қайтариш юзасидан зарур чораларни кўриши шарт.

Ташувчи қонунчиликка мувофиқ бошқа мажбуриятлар ҳам олади.

3.3. Суғурталовчи қўйидаги хукукларга эга:

- жабрланувчининг ёки наф оловчининг талабномасини Ташувчи томонидан кўриб чиқиша иштироқ этиш, зарур ҳолларда эса тегишли эксперталарни жалб этиш;

- суғурта ҳодисалари юзага келишининг олдини олиш бўйича тавсиялар бериш;

- Ташувчига Ўзбекистон Республикаси Вазирлар Маҳкамасининг 2015 йил «15» сентябрдаги 266-сон қарори билан тасдиқланган Ташувчининг фуқаролик жавобгарлигини мажбурий суғурта қилиш қоидаларининг 55-бандида белгиланган ҳолларда регресс талаби қўйиш.

Суғурталовчи қонун ҳужжатларига мувофиқ бошқа хукукларга ҳам эга бўлиши мумкин.

3.4. Суғурталовчининг мажбуриятлари:

- ушбу Оферта шартлари билан Ташувчини таништириши, шу жумладан, унинг хукуқ ва мажбуриятларини тушунтириши;

- ўз фаолиятини амалга ошириш натижасида олинган Ташувчи ва жабрланувчи ёки наф оловчи тўғрисидаги маълумотларнинг махфийлигини таъминлаши шарт.

Суғурталовчи қонунчиликка мувофиқ бошқа мажбуриятлар ҳам олади.

4. ТОМОНЛАРНИНГ ЖАВОБГАРЛИГИ

4.1. Томонлар мажбурий суғурта қилиш офертаси бўйича ўз зиммасига қабул қилинган мажбуриятларнинг бажарилмаганлиги ёки зарур даражада бажарилмаганлиги юзасидан қонун ҳужжатларига мувофиқ жавоб берадилар.

5. НИЗОЛАРНИ ҲАЛ ЭТИШ ТАРТИБИ

5.1. Ушбу офертадан келиб чиқадиган барча низолар ва келишмовчиликлар қонун ҳужжатларида белгиланган тартибда ҳал этилади.